

皇

清

經

解

皇

清

經

解

皇清經解卷三百五十五

學海堂

春秋左傳補註

吳惠徵君棟著

成元年傳瑕嘉 周禮典瑞注引作段嘉蓋古文止作段讀爲遐也今本亦作瑕唯陸氏周禮釋文猶存古字

二年傳隕子辱矣 說文引云耘子辱矣耘有所失也戰國策齊宣王曰寡人愚陋守齊國唯恐夫耘之墨子天志曰國家滅亡耘失社稷廣雅亦云耘失也案呂覽季夏紀云昭王耘于漢中高誘曰耘隊音曰顛隕之隕史記東越列傳曰不戰而耘此耘字之誤漢書作殞知耘與隕通耘古字也隕今字也徐廣曰耘義當取耘除失之

朝夕釋憾 唐石經憾作感案古本左傳憾字皆作感从省文

皇清經解 卷三十三
師之耳目在吾旗鼓進退從之 孫子引軍政曰言不相聞故

爲之金鼓視不相見故爲之旌旗夫金鼓旌旗所以一人之
耳目也人既專一則勇者不得獨進怯者不得獨退此用衆
之法也荀卿子云將死鼓御死轡

將及華泉 京相璠曰華泉華不注山下泉水也

韓厥執繫馬前 繫說文引作馮從馬口其足讀若輒或從糸

執聲

穀梁傳云跣者何也曰兩足不能
過齊謂之綦楚謂之跣衛謂之繫

辟女子注使避君 棟謂下云乃奔則辟當讀爲趨與五年伯

宗辟重同周禮大司寇云使其屬趨康成曰故書趨作避杜
子春云避當爲辟立謂趨止行也古趨字有作辟注訓爲避
非也

蕭同叔子

于寶曰蕭同叔子惠公之妾頃公之母史記作桐

物土之宜而布其利注播殖之物各從土宜棟謂物讀如旣

夕禮冢人物土之物鄭氏云物猶相也大司徒職云以土宜

之灋辨十有二土之名物周書大聚曰因其土宜以爲民資

司馬司空與帥侯正亞旅

司馬司空軍司馬軍司空也與衆

也與帥領其衆在軍之後者侯正軍侯主侯望者高誘說如

此

殺御叔

韋昭曰御叔陳公子夏之子靈公之從祖父嬀姓也

王曰止

高誘曰止禁止也

誰居註居辭也釋文云居音基

案檀弓云何居我未之前聞

也注云居讀爲姬姓之姬齊魯之間語助也列子黃帝篇云

關尹謂列子曰姬魚語女張湛云姬音居魚當作吾是居姬互訓蓋古音同也

侵敗王略注法度案略封也昭七年傳曰天子經略天子謂之略諸侯謂之封

三年傳伐虜咎如討赤狄之餘焉案僖廿三年傳狄人伐虜咎如賈逵曰赤狄之別種隗姓杜注亦同赤狄種類已盡惟虜咎猶在故復討其餘劉炫以爲虜咎之國卽是赤狄之餘杜以爲餘民散入其國豈其然乎○成十三年注云季隗虜咎如赤狄之女也是杜自相矛盾

荀騅

案世本騅諡文子

齊侯朝于晉將授玉史記晉世家云齊頃公如晉欲上尊晉

景公爲王景公讓不敢王劭案張衡曰禮諸侯朝天子執王
旣授而反之若諸侯自相朝則不授王齊頃公戰敗朝晉而
授王是欲尊晉侯爲王太史探其旨而言子惠子曰授王古
文左傳作授王司馬子長謂齊欲尊晉爲王蓋晉作六軍擬
於王矣故齊欲尊之猶戰國東帝西帝之例也古文不可見
存之以備異說棟案古王字皆作王左氏傳多古字古言故
王从王定五年傳云改步改玉晉語作改王改行荀卿王霸
篇又云改王改行是古王作王之證西漢劉子駿治左氏始
改王爲玉周禮九嬪職云凡祭祀贊玉齋註云故書玉爲王
子春讀爲玉是古文皆以王爲王之證 上文云晉作六

軍擬于王矣故史記以授玉爲尊晉爲王

諸侯相朝授玉此
僭禮也下年傳云

鄭伯如晉授王于東楹之東是有授王之事平子之說未允

六年傳沃饒而近監 服虔曰土平有漑曰沃

有汾澮以流其惡 周書曰地有五行不通曰惡

七年傳讒慝貪慄 子惠子曰方言曰貪殺也楚謂之貪慄殘

也又云殺人以取其財曰慄二子殺巫臣之族而分其室故

曰貪慄

八年經晉侯使韓宣來言汶陽之田 聘禮云若有言則以束

帛如享禮 引此傳爲證又云無庭實也

宋公使公孫壽來納幣 服虔曰不稱主人母命不通故稱使

婦人無外事

傳祁奚 高誘呂覽注云祈奚高梁伯之子祈黃芊也又云黃

芊祈奚字

九年傳執諸銅鞮

劉昭

上黨記曰銅鞮晉別宮墟關猶存

有北城去晉

二十里芊舌所邑

操南音

劉逵曰商角徵羽各有引鍾儀楚人思在楚故操南

音南音始于塗山之女見呂氏春秋

雖有絲麻無棄菅蒯

蒯玉篇引作藪云與蒯同李登聲類曰

蒯草中爲

苦怪切

雖有姬姜無棄蕉萃

淮南說林曰有榮華者必有憔悴有羅

紉者必有麻蒯蕉萃猶憔悴也

十年傳大子州蒲

應劭

引作州滿陸氏云本義作

滿劉子玄曰州滿

本皆作州蒲

也當爲州滿

事見 氏當據仲

晉侯夢大厲 李頤莊子解云死而無後曰厲

忠為合德非其人猶不可況不合乎 陸粲曰非其人謂叔申

本非賢者雖欲效忠不見信於君適以自害耳棟案陸氏此

言是教人慎勿為善非君子之言也呂覽曰賢主之所悅不

肖之所誅高誘引此傳以為證杜氏之說未可非也 近代李厚菴亦

以于忠肅
事況之

十二年傳道路無壅 唐石經作雍棟案古壅字皆作雍 說文作甿

無从土者

十三年傳民受天地之中以生所謂命也 以五行言則五六

為天地之中以爻位言則二五為天地之中以四時言則春

秋爲天地之中天地之中命也民受之以生卽所謂性也性爲中情爲和中庸之中和卽天地之中也故曰天命之謂性易曰各正性命保合太和在易又謂之利貞故曰利貞者情性也

戮力同心唐石經及宋本皆作戮說文曰戮并力也从力殳聲戰國策曰戮力同憂高誘曰戮力勉力也其字从力詛楚文又作繆力蓋古字假借

蔑死我君唐石經初刻云蔑我先君後改从今本陸氏曰本或以我字在死上案僖卅三年傳欒枝曰其爲死君乎尋文義當云蔑我死君鄭康成易注云蔑輕慢也

十四年傳宗卿之嗣注同姓之卿國之宗臣故曰宗卿書曰

記宗功是也宗臣兼同異姓故漢之蕭曹亦爲宗臣

衛侯饗苦城叔 王符曰卻犇食采於苦號苦城叔又曰苦城

城名也在河東鹽池東北

十五年經宋華元自晉歸于宋 傳止華元于河上則華元未

至晉時在晉境耳而云自晉者魚石以華元有平晉楚之功

懼以晉討爲復之故書法亦曰自晉著其所自復耳蔣杲云

傳盜憎主人民惡其上 子惠子曰盜憎主人民怨其上周廟

金人銘也其詞曰古之慎言人也無多言多言多敗故云子

好直言必及於難

十六年傳瀆齊盟 崔憬易注云瀆古黷字傳皆以瀆爲黷

范文子曰我若羣臣輯睦以事君多矣 唐石經云我若退羣

臣輯睦以事君多矣又何求案碑退字又何求三字皆旁增當是晁公武據蜀石經益之

陳於軍中而疏行首 司馬法曰凡陳行惟疏淮南子曰疏隊而擊之高誘曰疏分也

其卦遇復曰南國蹶射其元王中厥目 子惠子曰此與僖十五年傳千棄三去三去之餘獲其雄狐皆夏商之易也或據周易以解之皆不得其義蓋夏商占七八周易占九六其辭義各有異同不可強解也

蹲甲而射之徹七札焉 蹲古文作踞蹲猶立也羣經音辨云蹲才九切鄭康成讀七札一甲之度也揚雄太玄曰比札爲甲賈公彥周禮疏云一葉爲一札呂覽愛士篇云韓原之戰

晉惠公之右路石奮投而擊繆公之甲中之者已六札矣言六札者惟一札未陷耳知甲以七札爲數也徹七札者猶貫甲也

楚子使工尹襄問之以弓 穀梁傳云聘弓鏃矢麋信曰古者以弓矢相聘問故左傳云楚子問卻至以弓

有韎韁之跗注

詩瞻彼洛矣云韎韁有奭毛傳云韎韁茅蒐

染草也鄭箋云茅蒐韎韁聲也又駁五經異義云韎草 齊

魯之閒言韎韁聲如茅蒐字當爲韎陳畱人謂之蒨韁昭國語注云昭謂茅蒐今絳草也急疾呼茅蒐成韎也鄭康成雜問志曰韎韁之不注不讀如跗跗幅也注屬也幅有屬也以淺赤韁爲弁又裁韁如布帛之幅而連屬以爲衣而素裳白

舄也棟案不與跗古字通見詩箋以跗注爲不注者鄭所受
春秋異讀也

識見不穀而趨 棟案識當爲適外傳作屬訓爲適高誘曰不
穀不祿也人君謙以自稱也

三肅使者而退 子惠子曰爲十七年樂書譖卻至張本

好以暇 唐石經初刻無以字

展車馬注展陳也 康成曰展整也

子叔聲伯使叔孫豹請逆于晉師 服虔以爲叔孫豹先在齊

矣此時從國佐在師聲伯令人就齊師使豹豹不忘宗國聞

白國佐爲魯請逆家君曰玩下召豹於齊及昭四年傳則服

說爲長

公還待于鄆 京相璠曰公芊作運字今東郡廩丘縣東八十里有故運城卽此城也

僑如曰不可以再罪奔衛 唐石經曰遂奔衛今本皆脫遂字十七年傳匡句須吉 應劭風俗通曰匡魯邑句須爲之宰其後氏焉

聲伯夢涉洹 酈元曰許慎說文呂忱字林竝云洹水出晉魯之間御覽隋圖經曰洹水出隆慮縣西北俗謂安陽河卽聲伯夢涉之所源出林慮山東平地

盈其懷 王逸楚辭章句曰在袖曰懷

余恐死故不敢占也 服虔曰聲伯惡瓊瑰贈死之物故畏而

不言也

皆尸諸朝

康成論語注曰大夫於朝士於市昭十四年尸雍

子與叔魚於市正義曰晉殺三卻皆尸於朝此尸於市者以其賤故也棟案論語尸諸市朝孟子若撻之於市朝索隱謂市之行列有如朝位故曰市朝王制謂刑人於市則此尸諸朝疑卽市朝或云朝或云市隨文言之非有二所

一朝而尸三卿 韓非子載厲公語曰吾一朝而夷三卿予不忍盡也周禮凌人曰大喪共夷槃冰鄭氏云夷之言尸也尸之槃曰夷槃牀曰夷牀衾曰夷衾移尸曰夷于堂皆依尸而爲說是夷與尸古字通又古夷字作尸與尸相近故或从尸或从尸也

十八年傳周子有兄而無慧

案大戴禮曰慧種生聖癡種生